



Broj: 01/1-50-1-1-75/09
Sarajevo, 17.7. 2009. godine

Z A P I S N I K

75. sjednice Ustavnopravne komisije

Sjednica je održana 17. 7. 2009. , s početkom u 10 sati.

Sjednici su prisustvovali članovi Komisije: Šefik Džaferović, Halid Genjac, Adem Huskić, Velimir Jukić, Ekrem Ajanović, Martin Raguž, Lazar Prodanović i Momčilo Novaković. Sjednici nije prisustvovao član Komisije Drago Kalabić.

Osim članova Komisije, sjednici su prisustvovali predstavnici: OHR-a Damir Gnjidić i Jelena Despot, USAID-a Nedim Hogić i Christian Haupt, Zakonodavno-pravnog sektora PSBiH Alma Salkić-Mijić, poslanici Remzija Kadrić i Mirjana Malić, te iz Sektora za odnose s javnošću PSBiH Zoran Brkić.

Sjednici su prisustvovali sekretar Komisije Igor Bajić i stručni savjetnik u Komisiji Nedžad Salman.

Komisija je jednoglasno usvojila sljedeći

D N E V N I R E D

1. Usvajanje Zapisnika 74. sjednice, održane 6.7.2009.;
2. Prijedlog zakona o izmjenama i dopunama Izbornog zakona BiH, predlagač: Komisija za ostvarivanje ravnopravnosti spolova (**usklađenost sa Ustavom BiH, pravnim sistemom i principi u skladu s čl. 103. i 104. Poslovnika Doma**);
3. Prijedlog zakona o izmjenama i dopunama Zakona o sportu u BiH, predlagač: poslanik Denis Bećirević (**postupak u nadležnoj komisiji u skladu s članom 110. Poslovnika Doma**);
4. Prijedlog zakona o izmjenama i dopunama Zakona o slobodi pristupa informacijama, predlagači: poslanici Sefer Halilović, Vinko Zorić, Mirko Okolić, Šemsudin Mehmedović, Denis Bećirović, Velimir Jukić i Adem Huskić (**usklađenost sa Ustavom BiH, pravnim sistemom i principi u skladu s članom 103. i 104. Poslovnika Doma**);
5. Zaključak Predstavničkog doma, od 13.5.2009., u vezi s Prijedlogom odluke o pristupanju izmjenama Ustava BiH (**razmatranje u skladu s članom 41 Poslovnika Doma**);
6. Ostala pitanja:
 - Inicijativa poslanika Mirka Okolića, od 24.6. 2009. (**razmatranje Inicijative u skladu s članom 64. stav (2) Poslovnika Doma**);
 - Inicijativa Kluba zastupnika SNSD-a, od 24.6. 2009. (**razmatranje Inicijative u skladu s članom 64. stav (2) Poslovnika Doma**);
 - Izvještaj o posjeti Švicarskoj i učešću u projektu Vlade Švicarske Konfederacije "Pomoć Švicarske ustavnim promjenama u Bosni Hercegovini"

Ad.1. Usvajanje Zapisnika 74. sjednice, održane 6.7.2009.

S obzirom da nije bilo rasprave, Komisija je jednoglasno usvojila Zapisnik 74. sjednice.

Ad.2. Prijedlog zakona o izmjenama i dopunama Izbornog zakona BiH, predlagač: Komisija za ostvarivanje ravnopravnosti spolova (usklađenost sa Ustavom BiH, pravnim sistemom i principi u skladu s čl. 103. i 104. Poslovnika Doma)

Predsjedavajući je otvorio raspravu u kojoj su učestvovali poslanici Remzija Kadrić i Mirjana Malić, te članovi Komisije: Šefik Džaferović, Halid Genjac, Adem Huskić, Velimir Jukić, Ekrem Ajanović, Martin Raguž, Lazar Prodanović i Momčilo Novaković.

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen s Ustavom BiH i pravnim sistemom BiH.

Ustavnopravna komisija, s dva glasa „za“ četiri glasa „protiv“ i dva „suzdržana“ glasa, nije podržala principe Prijedloga zakona o izmjenama i dopunama Izbornog zakona BiH.

Komisija je jednoglasno usvojila sljedeće zaključke:

- a. Komisija ukazuje da u izabranim organima u Bosni i Hercegovini postoji snažan debalans na štetu zastupljenosti žena;
- b. Komisija smatra da ovo pitanje treba uputiti pred interresornu radnu grupu koju treba da formira Parlamentarna skupština BiH za izmjene Izbornog zakona BiH koje se moraju obaviti prije početka narednog izbornog ciklusa, a jedan od mandata ove radne grupe treba da bude nalaženje rješenja radi popravljivanja navedenog debalansa u zastupljenosti žena.

Ad.3. Prijedlog zakona o izmjenama i dopunama Zakona o sportu u BiH, predlagač: poslanik Denis Bećirović (postupak u nadležnoj komisiji u skladu s članom 110. Poslovnika Doma)

Komisija je, nakon rasprave, jednoglasno:

- prihvatila tekst Prijedloga zakona o izmjenama i dopunama Zakona o sportu u BiH i predlaže Predstavničkom domu njegovo usvajanje;
- odlučila da se za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajući Komisije Šefik Džaferović.

Ad.4. Prijedlog zakona o izmjenama i dopunama Zakona o slobodi pristupa informacijama, predlagači: poslanici Sefer Halilović, Vinko Zorić, Mirko Okolić, Šemsudin Mehmedović, Denis Bećirović, Velimir Jukić i Adem Huskić

(usklađenost sa Ustavom BiH, pravnim sistemom i principi u skladu s čl. 103. i 104. Poslovnika Doma)

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ustavnopravna komisija jednoglasno je podržala principe Prijedloga zakona o izmjenama i dopunama Zakona o slobodi pristupa informacijama.

Ad.5. Zaključak Predstavničkog doma, od 13.5.2009., u vezi s Prijedlogom odluke o pristupanju izmjenama Ustava BiH (razmatranje u skladu s članom 41 Poslovnika Doma)

Predsjedavajući je otvorio raspravu u kojoj su učestvovali svi članovi Komisije. U raspravi iznesena su različita mišljenja u pogledu realizacije zaključka Doma. Član Komisije Martin Raguž istakao je potrebu organiziranja tematske sjednice na koju bi trebalo pozvati i eksperte. Više članova Komisije ukazalo je na neuspješne rezultate sastanka koji su organizirali kolegiji oba doma a kojem su prisustvovali članovi obje ustavnopravne komisije.

Nakon rasprave, sa sedam glasova „za“, bez glasova „protiv“ i jednim „suzdržanim“ glasom, Komisija je usvojila zaključak da se razmatranje ove tačke odgodi za neku od narednih sjednica kako bi se dalo vremena da se podnesu inicijative u vezi sa ustavnim promjenama koje bi Ustavnopravna komisija mogla razmatrati u skladu s navedenim zaključkom Doma.

Ad.6. Ostala pitanja:

- **Inicijativa poslanika Mirka Okolića od 24.6. 2009.**
(razmatranje Inicijative u skladu s članom 64. stav (2) Poslovnika Doma)

Predsjedavajući je otvorio raspravu u kojoj su učestvovali članovi Komisije: Šefik Džaferović, Halid Genjac, Adem Huskić i Momčilo Novaković.

- Nakon rasprave, Ustavnopravna komisija je, s tri glasa „za“, dva glasa „protiv“ i tri „suzdržana“ glasa, podržala inicijativu poslanika Mirka Okolića.

Predsjedavajući Komisije Šefik Džaferović i član Komisije Halid Genjac tražili su da se njihovo mišljenje izdvoji jer smatraju da ovakve inicijative ne mogu biti predmet rasprave u Parlamentarnoj skupštini BiH jer se radi o materiji za koju je isključivo nadležna sudska vlast.

- **Inicijativa Kluba zastupnika SNSD od 24.6. 2009.**
(razmatranje Inicijative u skladu s članom 64. stav (2) Poslovnika Doma)

Predsjedavajući je otvorio raspravu u kojoj su učestvovali članovi Komisije: Šefik Džaferović, Halid Genjac, Adem Huskić, Lazar Prodanović, Martin Raguž, Velimir Jukić i Momčilo Novaković.

- Nakon rasprave Ustavnopravna komisija, s dva glasa „za“, pet glasova „protiv“ i jednim „suzdržanim“ glasom, nije podržala navedenu inicijativu.

- Izvještaj o posjeti Švicarskoj i učešću u projektu Vlade Švicarske Konfederacije "Pomoć Švajcarske ustavnim promjenama u Bosni Hercegovini"

S obzirom da nije bilo više pitanja, sjednica je završena u 16 sati.

SEKRETAR KOMISIJE
Igor Bajić

PREDSJEDAVAJUĆI KOMISIJE
Šefik Džaferović